

բում էր ճակատագրից որոշուած իր դերը. այն է՝ տալ պարզ արտերին մի քիչ բերկրանք եւ մի քիչ ժպիտ ու յոգնաբեկ ու տառապակիւծ ժողովրդի մէջ արթնցնել մանկական թարմ զգացումները:

Առաւօտից մինչեւ երեկոյ նրա սենեակի շուրջը երախաներ էին վխտում: Բարձրանում էին պատերի եւ տանիքների վրայ, ծակեր բաց անում, աչքը կայնում ու նայում, բացականչում, ուրախանում: Սողի տէրը էլ հանգիստ չունէր: Երախաները չէին բաւում, մեծերն էլ գալիս էին նայելու: Ժողովրդի կանայք, մօտակայ գիւղերից եկած շինականները, պառաւ մամերը, դինուորները, էլ ո՞վ չէր գալիս: Ժամերով կանգնում էին Կրկէսի շուրջը, սպասում, խօսում, պատմում: Այդքա՞ն էլ ժողովրդականութիւն... չտեսնուած բան:

Իսկ երեկոնե՛րը, ներկայացման ժամանակ... ասեղ ձգելու տեղ չկար: Ո՞րտեղից էլ այդքան ժողովուրդ... Գալիս էին քաղաքի հեռաւոր մասերից, հարուստ, աղքատ, պաշտօնեայ, ուսանող: Տոմսակները անմիջապէս սպառւում էին: Կրկէսի արտիստները ուրախ էին, ման էին գալիս գոռոզ աքլորների նման, կուրծքերը դուրս նետած, ինքնավստահ, կուշտ:

Երաժշտութիւնը քայլերդ էր նուազում: Ոսկեզօծ կոճակներով ծառաներ՝ տօ՛ մեր Համբարձումը, տօ՛ մեր Սարոն՝ կանգնում էին դերակատարների դռան առջեւ, եւ ներկայացումը սկսւում էր: Էլ հա՞րայ, էլ հո՞ւռայ, ծծկան երախաները մլաւում էին Վեճերը ոտքերը փայտերին էին դարնում, ծափ տալիս, պոռում կամ շունչը յանկարծ կտրած՝ վտանգաւոր մի մարգանքի առջեւ՝ բերանները բաց, նայում էին, հիանում:

- Տօ՛ աղջի նայի՛ր... Է՞սենց էլ բան...
- Վա՛յ, մեռնիս դու, գլուխս պտոյտ եկաւ...
- Բո՞ւալօ՛, բո՞ւալօ՛, բո՞ւալօ՛...

Իսկ երբ հասլիտը խողի վրայ նստած ներս էր մտնում, էլ ոգեւորութեան չափ չկար:

Սողը անհասարակ լաւ էր տրամաբերում: Նա զգում էր մեծ բազմութեան անկեղծ եւ միամիտ այդ ոգեւորութիւնը եւ քթի ծակերը հաճելի կերպով շոյող քրտնքի ու տիղմի հոտը:

Բարձրանում էր տակառի վրայ, գլուխը վեր անում ու տիրոջ հետ խօսում իր կերպով՝ խորթկալով, ճշելով: Յատկում էր, պտոյտ գալիս, պարում:

Կրկէսը ուժերի նման պայթում էր, գղըրդում, ժաժ գալիս:

Եւ աշպէս, ամէն գիշեր:

* * *

Եւ ամէն գիշեր Պետական Թատրոնը դատարկ էր:

Առաջին օրերը ուշադրութիւն չդարձրին: Կրկէսը նորութիւն է, ամէն մարդ այնտեղ է վազում, բայց շուտ կը ձանձրանան:

Սակայն, երբ պրիմատոննան մի երեկոյ իր լաւագոյն դերի մէջ դուրս եկաւ բեմ եւ դահլիճի մէջ չորս մարդ տեսաւ, այն էլ ճրի տոմսակներով, հազիւ կարողացաւ տեսարանը վերջացնել ու վարագոյրը դեռ չիջեցուցած՝ ուշաթափ վայր ընկաւ «խո՞ղ, խո՞ղ» պոռալով: Ամէնքը մտահոգուեցան:

Թատրոնի վարիչը որոշեց՝ «պէտք է մերցիր»: Բեմադրեցին Լունաչարսկու յեղափոխական մէկ պիեսը: Մեծ աֆիշներ, յայտարարութիւններ, յօդուածներ: Միայն:

Երեկոյեան, տասը հանդիսականներ անգուսպօրէն յօրանջում էին, իսկ կրկէսը լեփ լեցուն էր:

Գերասանները սկսեցին մրթմոթալ: Մանաւանդ նրանք, որ թատրոնի մուտքից տոկոս էին ստանում: Գա ի՞նչ բան է... արուեստը զոհում են... խողը...

Վարիչը, որ կրկէսի գալը ողջունել էր, գէպի քաղաքակրթութիւնը բացուած պատուհանը գոցեց եւ խորամանկօրէն «հակայեղափոխութիւն» բառը արտասանեց: Պետական բիւրօճէին հոկայ հարուած է... Լունաչարսկու պիեսան... Մոսկուան ի՞նչ պիտի մտածի...

* * *

Չեկան էլ դործում էր իր կողմից: Ոմն վաճառականներ համաձայնութիւն էին կապել կրկէսի արտիստների հետ, չէնքը շինել եւ հիմա ահագին փող էին վաստակում: Անգիտակից ժողովուրդը ոչ միայն թատրոնը եւ ժողովները չէր յաճախում, այլ խողի շուրջը այնպիսի ժողովրդականութիւն էր ստեղծում, որ Լենինն իսկ չի տեսել: Գործկոմի նախագահը, որ ար-